

ზოგადსაგანმანათლებლო დაწესებულებების ავტორიზაციის საბჭოს

სხდომის ოქმი № 4

ქ. თბილისი

12.04.2018

ზოგადსაგანმანათლებლო დაწესებულებების ავტორიზაციის საბჭოს სხდომას ესწრებოდნენ:

1. ზოგადსაგანმანათლებლო დაწესებულებების ავტორიზაციის საბჭოს (შემდგომში - საბჭო) წევრები:

1. გრიგოლ მურლულია - ფილოლოგის დოქტორი, შპს „ამერიკულ-ქართული განათლების ცენტრის“ სკოლის პარტნიორი და დირექტორი, საბჭოს თავმჯდომარის მოადგილე;
2. გიორგი გიგიშერია - ა(ა)იპ - ფონდი „საერთაშორისო განათლების ცენტრის“ პროგრამების მენეჯერი;
3. ხათუნა ბარაბაძე - სსიპ - თბილისის პირველი ექსპერიმენტული საჯარო სკოლის დირექტორი;
4. თამილა ჩუბინიძე - სსიპ - ალექსანდრე ცინცაძის სახელობის ქალაქ თბილისის N150 საჯარო სკოლის დირექტორის მოადგილე, მასწავლებელი, საბჭოს სხდომის მდივანი;
5. რევაზ აფხაზავა - ა(ა)იპ - კავშირი განათლების პოლიტიკის მართვისა და დაგეგმვის საერთაშორისო ინსტიტუტის აღმასრულებელი დირექტორის მოვალეობის შემსრულებელი;
6. მაკა მამუკორია - შპს „ლამარა მარგველაშვილის სახელობის სკოლა



XXI საუკუნის“ მასწავლებელი;

7. არჩილ სუმბაძე - შპს „ბაქესულდის საერთაშორისო სკოლა - თბილისის“ აკადემიური დირექტორი;

8. დავით მალაზონია - სსიპ ილიას სახელმწიფო უნივერსიტეტის პროფესორი;

9. მარინა უშვერიძე - PH-International - საქართველოს ოფისის სამოქალაქო განათლების პროგრამის დირექტორი;

სსიპ - განათლების ხარისხის განვითარების ეროვნული ცენტრის (შემდგომში - ცენტრი) წარმომადგენლები:

ლალი შაიშმელაშვილი - ზოგადი განათლების ხარისხის უზრუნველყოფის სამსახურის უფროსი;

ნინო ჟვანია - ზოგადი განათლების ხარისხის უზრუნველყოფის სამსახურის კოორდინატორი.

ლევან გოგიჩაიშვილი - ზოგადი განათლების ხარისხის უზრუნველყოფის სამსახურის სპეციალისტი.

3. ზოგადსაგანმანათლებლო დაწესებულებების წარმომადგენლები:

1. შპს ქ.თბილისის საშუალო სკოლა ლამპარი

დარეჯან ქადაგიძე - დირექტორი

ლალი გარდაფხაძე - დირექტორი

2. შპს აისი

იანა ტორჩინავა - დირექტორი

რევაზ გულარაშვილი - დირექტორის მოადგილე



**4.ზოგადსაგანმანათლებლო დაწესებულების ავტორიზაციის ექსპერტები (შემდგომში-
ექსპერტები):**

ნინო ბალანჩივაძე

ნინო გვარამაძე

ავთო აბდუშელიშვილი

მაკა ნადარეიშვილი

საქართველოს განათლებისა და მეცნიერების მინისტრის 2010 წლის 1 ოქტომბრის №99/ნ
ბრძანბით დამტკიცებული „საგანმანათლებლო დაწესებულებების ავტორიზაციის დებულების“
22-ე მუხლის მე-4 პუნქტის შესაბამისად ზოგადსაგანმანათლებლო დაწესებულებების
ავტორიზაციის საბჭოს სხდომას წარუდღვა საბჭოს თავმჯდომარის მოადგილე გრიგოლ
მურლულია.

სხდომა გაიხსნა 17:15 საათზე, სხდომის თავმჯდომარემ შეამოწმა საბჭოს წევრთა რაოდენობა და
დაადგინა, რომ საქართველოს განათლებისა და მეცნიერების მინისტრის 2010 წლის 1 ოქტომბრის
№99/ნ ბრძანებით დამტკიცებული „საგანმანათლებლო დაწესებულებების ავტორიზაციის
დებულების“ 22-ე მუხლის მე-5 პუნქტის შესაბამისად, სხდომა უფლებამოსილია, რადგან ესწრება
საბჭოს წევრთა სიითი შემადგენლობის ნახევარზე მეტი.

სხდომის თავმჯდომარემ საბჭოს წევრებს მიუთითა დებულების 24-ე მუხლის მე-2 პუნქტის
მოთხოვნაზე რომლის მიხედვითაც, საბჭოს წევრი არ არის უფლებამოსილი, თავი შეიკავოს ხმის
მიცემისაგან.

სხდომის თავმჯდომარემ საბჭოს წევრებს გააცნო დღის წესრიგი:

- შპს ქ. თბილისის საშუალო სკოლა ლამპარში განხორციელებული მონიტორინგის შედეგების
განხილვა
- შპს აისში განხორციელებული მონიტორინგის შედეგების განხილვა

სხდომის თავმჯდომარემ საბჭოს წევრებს, ცენტრის წარმომადგენლებსა და დაინტერესებულ
მხარეებს მიმართა, დღის წესრიგთან დაკავშირებით ხომ არ ჰქონდათ რაიმე შუამდგომლობა.



შუამდგომლობა არ ყოფილა წარმოდგენილი. საბჭომ ერთხმად დაამტკიცა სხდომის დღის წესრიგი.

A handwritten signature in blue ink, appearing to read "J. M. abm".

1. შპს ქ. თბილისის საშუალო სკოლა ლამპარში განხორციელებული მონიტორინგის შედეგების განხილვა

სხდომის თავმჯდომარემ დაწესებულების წარმომადგენლებს მიმართა, ხომ არ ჰქონდათ საბჭოს წევრების მიმართ აცილება. დაწესებულების წარმომადგენლებმა დაადასტურეს, რომ საბჭოს წევრების მიმართ აცილება არ ჰქონდათ.

სხდომის თავმჯდომარემ მიმართა საბჭოს წევრებს, დაედასტურებინათ, რომ იცნობდნენ ავტორიზაციის ექსპერტთა ჯგუფის დასკვნას. საბჭოს წევრებმა დაადასტურეს, რომ იცნობდნენ საქმის მასალებს. სხდომის თავმჯდომარემ ჰქითხა დაინტერესებული მხარის წარმომადგენელს, იცნობდა თუ არა ავტორიზაციის ექსპერტთა ჯგუფის დასკვნას. წარმომადგენელმა დაადასტურა, რომ იცნობდა დასკვნას. შესაბამისად, სხდომის თავმჯდომარემ სხდომის მდივანს სთხოვა, რომ ექსპერტთა ჯგუფის დასკვნა დაერთო ოქმისთვის, როგორც მისი განუყოფელი ნაწილი.

ექსპერტთა ჯგუფის დასკვნა საბჭოს სხდომაზე წარადგინეს ექსპერტებმა, ნინო ბალანჩივაძემ და ნინო გვარამაძემ. მათ აღწერეს ვიზიტის შედეგები და დასკვნები სტანდარტების შესაბამისად.

1.1. ექსპერტ ნინო ბალანჩივაძის განცხადებით, 2018 წლის 8 თებერვალს ტელეკომპანია „რუსთავი 2-ის“ მიერ გავრცელებული ინფორმაციის საფუძველზე სახალხო დამცველის აპარატის ბავშვის უფლებების ცენტრი სწავლობდა საქმეს „თბილისის საშუალო სკოლა ლამპარში “მე-10 კლასის მოსწავლის მიმართ განხორციელებული სავარაუდო ძალადობის შესახებ“. სიუჟეტის თანახმად, დაშავებული მოსწავლე იაშვილის სახელობის ბავშვთა ცენტრალურ საავადმყოფოში გადაიყვანეს. ბავშვის მშობლის განმარტებით, როგორც მას შვილმა უამბო, მოსწავლე მოზარდების ჩხუბს შეესწრო, რა დროსაც ერთ-ერთი ბიჭის ხელი მოხვდა და ტუჩი დაუზიანდა. სახალხო დამცველის აპარატის ბავშვის უფლებების ცენტრის ინფორმაციით, დაპირისპირება, სავარაუდოდ, თბილისის N12 საჯარო სკოლისა და თბილისის საშუალო სკოლა „ლამპარის“ მოსწავლეებს შორის მოხდა.

„საქართველოს სახალხო დამცველის შესახებ“ საქართველოს ორგანული კანონის მე-18 მუხლის „ბ“ და „გ“ ქვეპუნქტების თანახმად, (ამავე კანონით დადგენილ ვადაში - 10 დღე) სახალხო დამცველის აპარატის ბავშვის უფლებების ცენტრმა თხოვნით მიმართა განათლების ხარისხის განვითარების ეროვნულ ცენტრს, -კომპეტენციის ფარგლებში შეესწავლა, ერთი მხრივ, რამდენად მყისიერი და ჯეროვანი რეაგირება განახორციელა სკოლამ აღნიშნულ ფაქტან დაკავშირებით და მეორე მხრივ, რამდენად არის სკოლაში და სკოლის მიმდებარე ტერიტორიაზე უზრუნველყოფილი მოსწავლეთათვის უსაფრთხო და დაცული გარემო.



საქართველოს სახალხო დამცველის აპარატიდან შემოსული წერილის საპასუხოდ, განათლების ხარისხის განვითარების ეროვნული ცენტრის დირექტორის 02.03.2018 წლის N 156 ბრძანების საფუძველზე დაწესებულების საგანმანათლებლო პროგრამებისა და ადამიანური რესურსის ზოგადსაგანმანათლებლო დაწესებულების ავტორიზაციის სტანდარტებთან შესაბამისობის დადგენის მიზნით განხორციელდა ვიზიტი.

ექსპერტ ნინო ბალანჩივაძის თქმით, საგანმანათლებლო პროგრამებისა და ადამიანური რესურსის გადამოწმების შედეგად დადგინდა, რომ სკოლას ხარვეზები არ გააჩნდა. რაც შეეხებოდა მოსწავლეთა შორის მომხდარ ინციდენტს, სკოლის დირექტორმა ექსპერტთა ჯგუფს წარმოუდგინა საქართველოს სახალხო დამცველის აპარატის ბავშვის უფლებების ცენტრში გაგზავნილი წერილი, რომელშიც აღწერილი იყო 2018 წლის 8 თებერვლის ინციდენტთან დაკავშირებული მოვლენები.

აღნიშნული წერილის მიხედვით და სკოლის ადმინისტრაციასთან ინტერვიუებით გაირკვა, რომ მე-10 კლასის მოსწავლე საგავეტილო პროცესის დასრულების შემდეგ ნამდვილად დაშავდა მათთვის უცნობი პირების მიერ, რომლებიც სკოლის შენობასთან ახლოს იყვნენ შეკრებილნი. სკოლის დირექტორის განმარტებით ინფორმაცია N12 საჯარო სკოლისა და სკოლა „ლამპარის“ მოსწავლეებს შორის რაიმე დაპირისპირების თაობაზე სიმართლეს არ შესაბამებოდა. თავად დაშავებული მოსწავლე იაშვილის სახელობის ბავშვთა ცენტრალური საავადმყოფოდან მეორე დღეს გაეწერა და მკურნალობას სახლში აგრძელებდა. მშობლის განცხადებით დაშავებული მოსწავლის მდგომარეობა დამაკმაყოფილებელი იყო.

რაც შეეხებოდა ფიზიკური დაპირისპირების ფაქტს, აღნიშნულს იკვლევდა გლდანინაძალადევის რაიონის პოლიციის მე-9 განყოფილება, სადაც დაიკითხა ყველა ის მოსწავლე, რომელთა დაკითხვაც გამოძიებამ ჩათვალა საჭიროდ, თუმცა სკოლის ადმინისტრაციისათვის საქმის დეტალები ამ ეტაპზე უცნობი იყო.

ექსპერტმა აღნიშნა, რომ სკოლამ ავტორიზაცია მიიღო 2016 წელს ერთ მისამართზე არსებული საერთო ფართით, თბილისი, ჭყონდიდელის ქუჩა N26-ში, 32375 კვემით ნაკვეთზე, რომელზეც განთავსებული იყო სამსართულიანი კეთილმოწყობილი შენობა. ამ შენობის საერთო ფართიდან სკოლა „ლამპარის“ იჯარით აპერიტი აღებული 1130 კვრ. იჯარის ვადა განსაზღვრული იყო 2023 წლამდე.

2016 წლის ნოემბრიდან სკოლამ პარალელურად სასწავლო პროცესი განხორციელა ავტორიზაციის საბჭოს მიერ მინიჭებული მოსწავლეთა ზღვრული ოდენობის (460 მოსწავლე)



ფარგლებში მეორე მისამართზე არსებულ ორსართულიან შენობაში, საერთო ფართით 821,09კვ.მ. თბილისი, დიდი დიღმის ტერიტორია, ილია შეყილაშვილის ქ. N23. იჯარის ვადა განსაზღვრული იყო 2027 წლამდე.

უნდა აღინიშნოს, რომ 2016-2017 სასწავლო წლის თვითშეფასების კითხვარში სასწავლო პროცესის ორ სხვადასხვა მისამართზე განხორციელებასთან დაკავშირებით ინფორმაცია არ იყო მითითებული. თუმცა სკოლის ადმინისტრაციამ წარმოადგინა დამატებით ფართზე სასწავლო პროცესის განხორციელების თაობაზე განათლების ხარისხის განვითარების ეროვნულ ცენტრში გაგზავნილი 2016 წლის 22 ნოემბრით დათარიღებული წერილი.

სხდომის თავმჯდომარემ, გრიგოლ მურდულიამ სკოლის წარმომადგენელს მიმართა კითხვით, თუ რატომ არ ასახა დაწესებულებამ თვითშეფასების კითხვარში ფაქტი დამატებით ფართზე სასწავლო პროცესის განხორციელების შესახებ. სკოლის წარმომადგენელმა უპასუხა, რომ თვითშეფასების კითხვარის შევსების დროს საჯარო რესტრში იჯარის ხელშეკრულების საკითხი მოსაგვარებელი იყო და თან ცენტრში გაგზავნილ წერილთან დაკავშირებით პასუხიც არ იყო მიღებული. აქედან გამომდინარე, თვითშეფასების კითხვარში სკოლის ადმინისტრაციას სასკოლო სასწავლო გეგმით განსაზღვრული სასწავლო პროცესის შესაბამისი მატერიალური რესურსი მხოლოდ ერთ მისამართზე არსებული საერთო ფართით ჰქონდა მითითებული, ნაცვლად ორისა.

სხდომის თავმჯდომარემ გრიგოლ მურდულიამ ცენტრის წარმომადგენლებს ჰქითხა, რატომ არ მოახდინა ცენტრმა რეაგირება დაწესებულების მიერ ფართის დამატებასთან დაკავშირებით გამოგზავნილი წერილის თაობაზე, რაზეც ზოგადი განათლების ხარისხის უზრუნველყოფის სამსახურის უფროსმა, ლალი შაიშმელაშვილმა უპასუხა, რომ აღნიშნულ პერიოდში, ცენტრში განხორციელდა სტრუქტურული ცვლილება, ცალკე ჩამოყალიბდა ზოგადი განათლების ხარისხის უზრუნველყოფის სამსახური და ძველი კორესპონდენციის ნაწილი სამსახურს არ დაეწერა, რის გამოც ვერ მოხერხდა აღნიშნულ წერილზე რეაგირება.

სხდომის თავმჯდომარემ, გრიგოლ მურდულიამ საბჭოს წევრებთან შეთანხმებით ცენტრის წინაშე დააყენა შუამდგომლობა, რომ დაწესებულებაში, ზემოაღნიშნულ ფართზე, განხორციელებულიყო მოინიტორინგი მატერიალური რესურსების ზოგადსაგანმანათლებლო დაწესებულებების ავტორიზაციის სტანდარტებთან შესაბამისობის დადგენის მიზნით.



სხდომის თავმჯდომარემ საბჭოს წევრებს მიმართა შეკითხვით, ხომ არ ჰქონდათ კითხვები, რაზეც საბჭოს წევრებმნა უპასუხეს, რომ კითხვები არ ჰქონდათ.

სხდომის თავმჯდომარემ კენჭისყრაზე დააყენა შპს ქ.თბილისის საშუალო სკოლა ლამპარის ავტორიზაციის გაუქმების საკითხი.

კენჭისყრის შედეგები:

მომხრე 0

წინააღმდეგი - 9

გადაწყვეტილება:

ზოგადსაგანმანათლებლო დაწესებულებების ავტორიზაციის საბჭოს სხდომაზე გამოვლენილი გარემოებების შესწავლის, შეფასებისა და ურთიერთშეჯარების შედეგად, შეწყდეს ადმინისტრაციული წარმოება შპს ქ.თბილისის საშუალო სკოლა ლამპარის (ს/კ:209471258) ავტორიზაციის გაუქმებასთან დაკავშირებით.



2. შპს აისში განხორციელებული მონიტორინგის შედეგების განხილვა

სხდომის თავმჯდომარემ დაწესებულების წარმომადგენლებს მიმართა, ხომ არ ჰქონდათ საბჭოს წევრების მიმართ აცილება. დაწესებულების წარმომადგენლებმა დაადასტურეს, რომ საბჭოს წევრების მიმართ აცილება არ ჰქონდათ.

სხდომის თავმჯდომარემ მიმართა საბჭოს წევრებს, დაედასტურებინათ, რომ იცნობდნენ ავტორიზაციის ექსპერტთა ჯგუფის დასკვნას. საბჭოს წევრებმა დაადასტურეს, რომ იცნობდნენ საქმის მასალებს. სხდომის თავმჯდომარემ ჰქითხა დაინტერესებული მხარის წარმომადგენელს, იცნობდა თუ არა ავტორიზაციის ექსპერტთა ჯგუფის დასკვნას. წარმომადგენელმა დაადასტურა, რომ იცნობდა დასკვნას. შესაბამისად, სხდომის თავმჯდომარემ სხდომის მდივანს სთხოვა, რომ ექსპერტთა ჯგუფის დასკვნა დაერთო ოქმისთვის, როგორც მისი განუყოფელი ნაწილი.

ექსპერტთა ჯგუფის დასკვნა საბჭოს სხდომაზე წარადგინეს ექსპერტებმა, ავთო აბდუშელიშვილმა და მაკა ნადარეიშვილმა. მათ აღწერეს ვიზიტის შედეგები და დასკვნები სტანდარტების შესაბამისად. ექსპერტ ავთო აბდუშელიშვილის თქმით, სკოლას ზოგადსაგანმანათლებლო დაწესებულებების ავტორზაციის სტანდარტებთან მიმართებით არსებითი ხარვეზები არ გააჩნდა, თუმცა საგანმანათლებლო პროგრამებთან და ადამიანურ რესურსთან დაკავშირებით ექსპერტებმა სკოლას გაუწიეს რამდენიმე რეკომენდაცია.

1.1. ექსპერტ ავთო აბდუშელიშვილის განცხადებით, სასკოლო სასწავლო გეგმაში იყო გაწერილი მოსწავლეთა ზღვრული რაოდენობა კლასების მიხედვით. სასკოლო ჟურნალების დათვალიერების შედეგად გამოვლინდა, რომ მოსწავლეთა მაქსიმალური რაოდენობა იყო 20. ვიზუალური დათვალიერებით კი გამოჩნდა, რომ ზოგიერთი საკლასო ოთახი არ იძლეოდა ამ რაოდენობის მოსწავლეების დატევის საშუალებას. დირექციის განმარტებითა და მონიტორინგის ჯგუფის გადამოწმებით მრავლარიცხვანი კლასები მიზნობრივად იყოფოდა საგაკვეთილო პროცესის დროს და იქმნებოდა განაყოფები. სკოლის დირექციას მიეცა რეკომენდაცია დაეყო კლასები უფრო მცირე რაოდენობრივ პარალელურ ჯგუფებად და განესაზღვარა კლასში მოსწავლეთა ზღვრული რაოდენობა.

სხდომის თავმჯდომარემ საბჭოს წევრებს ჰქითხა, ხომ არ ჰქონდათ კითხვები საგანმანათლებლო პროგრამებთან დაკავშირებით, რაზეც საბჭოს წევრებმა უპასუხეს, რომ კითხვები არ ჰქონდათ.

2.1. ადამიანურ რესურსთან დაკავშირებით, ექსპერტმა ავთო აბდუშელიშვილმა აღნიშნა, რომ შპს „აისში” მართვის საინფორმაციო სისტემის ბაზის მიხედვით ირიცხებოდა 179 მოსწავლე. სკოლას



ჰყავდა სასკოლო სასწავლო გეგმით განსაზღვრული სასწავლო პროცესის შესაბამისი ადამიანური რესურსი. სკოლაში სულ 49 თანამშრომელი იყო. მათ შორის, 28 მასწავლებელი, ერთი ექიმი, ერთი ინფორმაციული მენეჯერი, ორი ბუღალტერი, ერთი ბიბლიოთეკარი, დღის დარაჯი, ოთხი აღმზრდელი გახანგრძლივებული სწავლებისათვის, რვა წრის ხელმძღვანელი, ერთი დამლაგებელი, ერთი სამეურნეო ნაწილის გამგე და ერთი მზარეული.

სკოლაში მასწავლებელთა დასაქმება რეგულირდებოდა “ზოგადი განათლების შესახებ” საქართველოს კანონის შესაბამისად მასწავლებელთა საქმიანობის დაწყების, პროფესიული განვითარებისა და კარიერული წინსვლის სქემით. გამონაკლისს წარმოადგენდა მხოლოდ სამი მასწავლებელი, რომელთაც არ ჰქონდათ სტატუსი მინიჭებული. დირექტორის განცხადებით, ერთმა პედაგოგმა გაიარა პედაგოგის მომზადების 60 კრედიტიანი პროგრამა და მისი დოკუმენტაცია ვიზიტის პერიოდში გადაგზავნილი იყო მასწავლებელის სახლში სტატუსის მისანიჭებლად.

სხდომის თავმჯდომარემ, გრიგოლ მურღულიამ სკოლის წარმომადგენელს მიმართა, რა სიტუაცია იყო დღევანდელი მდგომარეობით დანარჩენ 2 პედაგოგთან დაკავშირებით. სკოლის წარმომადგენელმა უპასუხა, რომ დარჩენილი 2 პედაგოგიდან ერთი პედაგოგი გადაიყვანეს წრის ხელმძღვანელად და ჩანაცვლდა სხვა პედაგოგით, ხოლო მეორე პედაგოგი ასევე ჩაერთო სქემაში და მინიჭებული ჰქონდა პრაქტიკოსი მასწავლებლის სტატუსი.

სხდომის თავმჯდომარემ, საბჭოს წევრებს მიმართა, ხომ არ ჰქონდათ კითხვები, საბჭოს წევრებმა განცხადეს, რომ კითხვები არ ჰქონდათ.

სხდომის თავმჯდომარემ კენჭისყრაზე დააყენა შპს აისის ავტორიზაციის გაუქმების საკითხი.

კენჭისყრის შედეგები:

მომხრე 0

წინააღმდეგი - 9

გადაწყვეტილება:

ზოგადსაგანმანათლებლო დაწესებულებების ავტორიზაციის საბჭოს სხდომაზე გამოვლენილი გარემოებების შესწავლის, შეფასებისა და ურთიერთშეჯერების შედეგად, შეწყდეს ადმინისტრაციული წარმოება შპს აისის (ს/კ: 204951481) ავტორიზაციის გაუქმებასთან დაკავშირებით.

დღის წესრიგით გათვალისწინებული საკითხების განხილვის შემდეგ 18:30 საათზე სხდომა დახურულად გამოცხადდა.

თავმჯდომარე

გრიგოლ მურდულია

მდივანი

თამილა ჩუბინიძე

